

永新縣志卷之八

藝文第十二下

賜挽贈左僕射楚國公劉沆

宋仁宗皇帝

早富經綸業中成輔弼功立朝無黨與爲國盡公
忠此日悲遺直誰人似匪躬深嗟亡一鑑何以慰
予衷

遊龍門溪

元絳 縣令

方駕遊溪曲標題在棟隆待持金羽節來看碧紗
籠

永新縣志卷之八

一

別永新畱題公廨退軒

三年作宰別無功種得桃花滿縣紅任罷不能收
拾去一時分付與東風

登白雲凌霄峯

劉沆

一峯復一峯危磴遶穹窿步出紅塵外身臨青漢
中碧杉梳曉日黃葉弄秋風徙倚閒凝目高天望
不窮

題聰明泉

義山山下有靈泉泉號聰明自古傳四百年中三
出相不才何幸繼前賢

永新義山道中

黃庭堅 泰和令

莓苔石點雨痕斑又忽尋詩到義山疎影障空崖
樹老清陰向日野花閑望窮碧水孤城下行盡白
雲雙巽閒日暮荒村聊寄枕鄉關惟有夢飛還

書堂嶺 卽元陽洞

陳敦德 縣尉

碧玉涓涓漱亂泉輕綃薄薄罩晴煙洞門深鎖疑
無地石扇中開忽有天乳窟燕飛長帶雨石枰芝
老不知年清虛未隔神仙境隱隱遺蹤世浪傳上已

俱宋人詩

遊元陽洞

李祁

永新縣志卷之八

二

昔年曾上鳳凰臺今日重攜勝侶來洞口雲深龍
睡穩松梢煙暝鶴飛迴蒙茸翠草山腰合璀璨瓊
芝石罅開千載何人傳相業夜深凝睇望三臺鳳凰

臺在洞左

弔譚烈婦

黃士能

母子臨危不失身精魂著土偶傳真至今一片模
糊血心地分明託聖人

遊南華山

樊端可 邑人

一笑掀髯拂袖還朗吟乘醉下僊山百年擾擾誰
無事纔得登臨便是閒

過龍溪橋

龍仁仲 邑人

滿壑春陰謝豹啼白雲堆裏樹高低東風綠水橋
邊路蹋碎殘紅信馬蹄

題武功山

釋無請

漢家帝子闢僊居句漏山川較不如海竇中通壬
癸水峯壇上直斗牛墟吠雲犬去畱丹鼎行雨龍
歸化白魚聞有神人飄羽翰凌風手把玉芙蓉

俱元人詩

訪武功葛仙壇

烏斯道 知縣

長憶仙人葛稚川遠尋句漏問丹泉煙霞不厭久

永新縣志卷之八

三

爲令雞犬誰知併化仙細水洞中流白乳高峯天
際削青蓮憐予作縣終何事過此題詩意惘然

遊禾山龍門溪

賀守約 教人

雲開翠壁見天梯瀑挂龍門望忽迷石峽渾疑神
禹鑿苔碑細認魯公題半空怪霧噓殘蜃千尺飛
瀧飲斷蛻欲汲清泠洗塵耳自扶藜杖過前溪
秋山蒼翠搖空冥七十一峯如畫屏鴈塔遺基藤
蔓紫龍門題墨苔花青幾從石上看棋局仍向雲
閒斲茯苓鶴隴幸容孤跡住天書何事又巖扃

次龍子高屏山之作

早年名價動京畿此日修閒訪翠微門對山城青
柳合天連沙渚白鷗飛晉朝丹竈殘煙在漢代銅
仙昨夢非笑指蓬萊幾清淺空憐芳草弄晴暉

重遊武功山

勝日武功山下路碧桃花落澗泉肥道人新構雲
閒屋童子能看劫外棋緱嶺風清笙鶴遠昆池灰
盡石龍飛此來欲借薇垣露研寫重遊竹院詩

題學宮魁輔堂六萼梅二絕句

魁輔堂前六萼梅六年風雪此重來孤城斷角殘
鐘後卻問逋仙鶴未回

永新縣志卷之八

四

魁輔堂前六萼梅半簾香影爲誰開東風似識何
郎面暗送飛花入酒盃

遊東華觀

解縉 學士

山拱東華踞勢雄俯看城郭笑談中樓臺影倒一
江月松檜聲傳萬壑風賓館茶煙凝座紫仙房丹
火隔林紅素知弱水環蓬島今日客來仙路通

弔譚烈婦

倉卒攜孤值亂兵血痕入土燬還青家亡自信生
無益命絕誰知死有靈江上孝娥沉骨冷嶺頭貞
婦墜魂醒何如禾水芹宮畔千古穹碑爲勒銘

遊龍門溪

龍門溪水聲珊珊魯公大筆彩雲間憑君多借幾
隻鹿待我重來騎看山

登東華觀樓

李禎
左使布政

禾山山色碧崔嵬山下長川簸雪來昨日南風今
日北送人船去又船回
長松幾箇竹千竿畱與幽人作畫看安得此身長
息擾頻來此處倚欄干

題先月軒

在東華觀

纔覺黃昏便倚欄冰輪蕩漾綠波閒梅痕印紙窗

永新縣志卷之八

五

生白松影侵簾戶不關烏訝巢明棲復起人憐夜
好倦猶看寰中莫道皆塵土此處還應似廣寒

和李方伯登東華樓作

劉髦
封贈侍郎修

層巒羽構並崔嵬隔水紅塵淨不來鐵笛一聲雲
外落月明疑是列仙回
屏山玉立接旛竿西北羣峯更耐看李愿倘成盤
谷隱幽棲吾欲傍沙干

過東山非空精舍

吳孟勤
教授

佛剎高開竹樹邊老僧於此久棲禪翻經石上雲
生壑洗鉢磯頭月在川幾曲溪山藏梵界半空樓

閣擁諸天遠公不笑陶元亮擬結束林未了緣
弔譚烈婦

高旭

江西按察僉事

亂離無從避戈鋌猶擁孤兒在膝前貞骨已埋譚
氏土烈痕猶著孔庭磚舊看稗史傳遺事今喜邦
人說往年亦有偷生降虜者何顏喘息向胡天

東華觀二絕句

彭約

江西按察僉事

花繞仙巖水繞門依稀風景似桃源迴廊曲處無
人到一犬依雲卧竹根

瑤壇小草暖生香童子開函曬洞章鶴避茶煙松
杪去玄翎拂落萬年霜

永新縣志卷之八

六

寄題青霞觀眾芳亭

龍心源

訓導邑人

新構危亭一徑開繞簷蒼翠絕氛埃松陰入座節
棋局鳥語當窻勸酒盃細雨曉沾芳草潤好風時
送落花來挂冠何日歸林去共汝憑欄亦快哉

題南臺

龍玉泉

邑人

秋松落層陰秋水蕩寒碧一曲紫瑤琴空山暮天
寂

琴亭

世稱姚相彈琴處

江玉琳

御史

彈琴人去是何年尙有亭存曲澗邊相業一時垂
鼎鼎聲華千古動山川秋風別調傳金昊夜雨餘

音漱玉泉傳語山靈同愛護鳳臺今已盛雲煙

東華先月軒

張叔豫

翰林庶
吉士

近水軒窻晚更宜馮夷似與素娥期江生微魄簾
初捲樹礙清輝席屢移涼影含風醒醉夢斜光引
露沁詩脾道人夜禮羣星後看到漁舟罷釣時

題東華讓雲軒

李時勉

祭酒忠
文公

閒雲多在山山深雲不去中有學仙人凌雲獨飛
步仰挹河漢流俯瞰崑丘樹下視滄海潮蓬瀛在
何處但見浮雲飛風驚不能駐昔時簷閒宿卷舒
應同趣變化成倏忽去來欲殊路茫洋任爲霖愼
爾天瓢注胡然歸巖壑斂跡不相顧儻遇洪崖仙
仍乞雲巢住

讓雲軒歌

周忱

尙書文
襄公

道人本是浮雲侶身與浮雲同棲住清曉相攜出
岫行黃昏作伴歸巖去有時偃卧小軒前分雲半
榻共高眠有時行吟過松塢雲在松閒亦延竝揮
毫或寫琅函章雲絢五色成輝光飛符或欲祈甘
雨雲逐飈霆向空舉雲兮雲兮本無心道人自許
相知深白衣蒼狗從變化歛忽上下誰能尋中年
住在巽峯下獨占巽峯作茅舍猶讓半峯借雲棲

長日看之作圖畫

題東山非空和尚鏡軒

張景良

春坊司直郎

高懸寶鏡照軒楹塵外人從鏡裏行一片清光涵
玉暈千年寒氣鑄金精能令有相歸無相解使前
生悟後生欲問西來無上義秋空雲淨月華明

宿東華觀

李伯尙

進士

仙家樓殿倚青冥赤火流金衛六丁地近雲霞常
杳靄夜寒星斗倍晶熒驚猿墮木霜鐘急宿鷺爭
巢晚樹腥深洞碧窻如不鎖願來掃榻讀丹經

東華山歌

段原中

邑人

永新縣志卷之八

八

東華勝地盤嶄巖下臨百丈之深潭秋山遙橫縣
西北巽峯獨在天東南赤林粲如綺一水青掇藍
道人結屋棲隱乎其閒眾峯排闥獻奇輸秀於浮
嵐流霞夜釀作天酒白雲朝翦成春衫仙翁羽客
紛總總而來下氅衣鶴佩青鸞驂爐煙裊沈水道
韻腴清譚近市飛塵高過馬咫尺迴隔仙與凡嗟
我驅馳厭塵土小居久欲從彭咸山中黃獨不難
得呼童爲我修長鑱

題武功山

釋非空

蜀帝行宮草樹寒武功拔宅走仙官龍分坎水歸

丹井鶴占乾峯作雨壇天闢上清三玉洞人窺北
斗七銀環藍橋路斷香風遠雷護瓊書降紫鸞

遊梅田洞

柯暹

知州掌
縣事

萬古梅田洞因君得共游煙霞籠翠壁日月照丹
丘水淺龍疑在棋殘局尙畱神仙何處去石室自
春秋

題觴月樓

陳員韜

知縣

笑呼明月上南樓酒面金波凝不流萬里好天當
好夜一年清興在清秋乘鸞子晉依稀過駕鶴浮
丘汗漫遊醉裏忽忘更漏永滿天涼露襲衣裘

永新縣志卷之八

九

東華觀

薛驥

知縣

仙家樓觀俯清漪徑折迴峯石磴危竹影侵簾搖
翡翠天光映水湛琉璃龍歸丹井春泉暖鶴下瑤
空夜月遲歌罷洞章玄宇靜碧桃花落少人知
聰明泉次楚公韻
山下聰明一斛泉名公題詠世相傳也知千載風
期在誰道今人異昔賢

泰定觀來鶴亭

蒙泉春比玄都觀況對芳亭景物幽已報浮丘來
白鶴應看函谷度青牛絳桃萼吐林閒徑碧杜香

生水畔洲老去韶華知自惜乘閒今日重淹留

弔譚烈婦

夏寅

江西提學副使

罵賊儒宮得死門殿楹血影舊精魂只應研取萇
宏碧點得佳人怒目痕

永新山行用姚公大參韻

王事同行役逢春不當遊僕夫勞以馬山驕穩於
舟樹老多巢鵲溪乾不下鷗深談及民瘼爲喜復
爲愁

驛車頻問俗舊學載書行嶺上千松秀田閒二麥
成戍戈防盜入巫鼓賽神鳴前館逢昏宿春霄苦

永新縣志卷之八

十

易明

弔譚烈婦

王臣

翰林編修

泮水東頭烈婦祠我來揮淚讀殘碑貞風不逐煙
塵去勁節能令天地知臺殿千年猶有迹江山百
里自含悲凜然遺像傳生氣曾激姦雄膽落時

宿東華觀

山勢岿嶷半插空危峯遠瞰楚天東隔窻環珮鐘
聲裏近水樓臺波影中百尺青松巢鸛鶴半輪明
月浸簾櫳紫微閣上星辰近疑是蓬萊第一宮

弔譚烈婦用王內翰韻

孫敬

江西北議參議左

綠蘿深樹掩荒祠曲徑蒼苔卧斷碑高節自隨天
地老真心應許鬼神知江山尙抱降胡恨草木猶
含棄宋悲羞殺當年劉制帥偷生負主破城時

次王內翰宿東華韻

李愷 知縣

高閣層樓倚碧空移來仙境縣城東玉堂人物登
游處罨畫山川指顧中花氣草香浮几席嵐光雲
影散房櫳恍然自與塵氛隔何必蓬山有藥宮

登南華山

樊甫 吉安推官

躡磴攀蘿到上方上方樓閣倚空蒼嵐光不散經
年暝暑氣全消六月涼地闢那無高士隱洞深疑

永新縣志卷之八

十一

有老龍藏何緣更共飛仙侶直躡層巔小八荒

觀龍門石刻

李鈞 給事中

瀑布懸崖削琰琬魯公大筆垂琅玕日邊鸞鳳渾
騫翥雨底蛟龍強屈蟠拂拭僅容閒客過摩挲難
遣俗流看也知忠義畱心畫尙使奸諛膽易寒

遊禾山寺

劉寅之 參議

芒鞋三月過龍門自入名山禮世尊五老峯高青
漢逼千僧釜在白雲屯奔泉落峽鯨鯢吼巨石當
空虎豹蹲荒迹無人問昔相高標有塔鎖真源

登南臺梵慧寺

陳鼎 鄆縣知縣

重樓疊閣倚巉巖孤寺疑懸碧落閒拄杖迴臨塵
外境捲簾仍對畫中山休憐佛說恆河苦且共僧
畱竟日閒卻笑未能離住相夕陽西下不知還

遊梅田寺

曹謙
教諭

義山南下古招提乘興相過信馬蹄龍去洞寒迸
水咽鶴棲松老壓枝低花前酒許高僧勸竹上詩
畱好客題記取今朝歸去路重來莫遣白雲迷

題東華觀

劉隆
邑人

鼇背三山莫浪誇塵寰勝地有東華玄關夜湧金
潭月紫閣朝飛玉洞霞水際雲根蹲虎豹壁閒仙

永新縣志卷之八

十二

篆動龍蛇滿庭香雪東風細吹落荼蘼一樹花

登南華赴樊從淮之招
曾泰

宿酒連朝尙未消登臨又赴故人招東風一騎穿
花去聽徹鶯聲過短橋

別東華蘭友山房
黃子瓊

上界無因伴鶴羣青松樹下別茅君石牀去後誰
同卧惟有秋山幾片雲

洛陽峽

尹爽
訓導
侍郎贈

千崖峻削起崇墉一水中迴路僅通峽束曉嵐迷
錦繡山含晴旭裊芙蓉乾坤異境元藏世塵土吾

生浪寄蹤安得誅茅開數舍一編長此卧雲松
徐州九日憶上秋紫雲山登高舊興次韻寄
邑親友二首

去年今日紫雲臺與客登臨共酒杯旅市清樽還
自慰故園黃菊爲誰開浮生蹤跡元萍梗少日交
游半草萊莫怪牛山易出淚悲歡幾換古今迴
舟泊昔年戲馬臺黃花采掇泛深杯休嗟華髮流
年改且對青山笑口開事業此生成鹵莽英雄千
古亦蒿萊追思楚漢興亡故落日彭城首重迴

弔譚貞烈祠

朱袞府同知

永新縣志卷之八

十三

胡塵漲天天失色大事已去誰爲力一婦綱常誓
不移八磚肝腦同嬰兒舅死汝姑死汝妾不死汝
死何所當時若失梁背人死後誰傳絕時語譚家
婦趙家女姓可易鼎可舉神不爲辱志不爲沮罵
賊那辭千刃加灑血已得八磚許君不見禮殿清
穆宥而深身雖不保能保心賴有聖賢爲質證苔
花土暈到而今人言不足信濯水見真影三顧悚
毛髮六月生寒冷此節豈與他節倫煅磨不改跡
愈真定知呵護有鬼神赤光射日千年新

弔譚貞烈祠

鄒守益祭酒文莊公

饒江殛黿蛟東海枯榛菅幽明本一氣呼吸相循
環卓哉烈婦節爲世立大閑至誠感金石金石化
其頑天貌貞烈圖肅然對孔顏劫火豈能燬萬古
血仍殷我來弔遺跡髮竦淚欲潛瓣香拜幽祠愜
想環珮珊嗟彼紛紛者孰透生死關泰山與鴻毛
輕視毫釐間

遊梅田洞

束髮愛幽勝比渴思蔗漿名境阻多病夢想未能
忘多謝諸君子張筵待高岡奇石疊蒼巘曲洞轉
瑤房四壁圓空象一竅浮天光蕭然葛衣冷五月
挾飛霜自非招引力此願終茫洋宇宙有大觀遠
遊從自將願言精瓊蘼決策起扶桑

遊南華山二首

賀泰前府同知
御史

南華遊眺趁春閒山麓逶迤轉石關應待高人時
賞詠肯教俗客漫躋攀雲霞曉霽千峯外花草春
香滿谷閒更喜數竿修竹對不須肉食也開顏
勝地來遊興自濃白雲踏破幾重重凌空喜見仙
人壟聳目曾觀玉女峯丹竈久閒存伏火琪花微
馥襲孤筇夕陽阡陌經行處試聽豐占訊老農

東樓晚眺

王格庶知縣
吉士前

樓高引孤眺江樹遠生秋古岸迴樵徑新沙隱釣
舟懷人芳草合瞻闕白雲流極目南天客凭軒起
暮愁

南華山次賀侍御韻二首

高睿都指揮

乘興登山意自閒短筇扶醉入雲關長風巨壑身
堪御叢桂寒巖手可攀縣郭近看斜日外村林時
出亂雲閒錦囊收拾春光好歸路鶯花共破顏
山色雲光澹復濃烏啼春谷落花重石迴寒瀨鳴
深礪天闊飛霞散遠峯映水花明供洗盞傍林苔
滑費支筇仁風併作陽和澤請看春田十耦農

永新縣志卷之八

十五

元陽觀宿

徐丙知縣

日月西飛如跳丸誰能百歲住人寰平生厭客長
爲客垂老求閒未得閒卻笑一年拘俗吏何緣兩
度宿名山煙霞迴首紅塵夢罨畫溪頭憶閉關

遊梅田洞

江南奇勝有梅田放鶴來尋物外緣峯擬三台臨
北斗洞開列缺起中天陰晴景象皆成畫今古游
觀豈乏仙醉裏短吟畱絕壁尙餘殘興在雲煙

東山寺憇

沈珠知縣

偶憶東山勝乘閒入翠微閣深炎暑失院靜鞅輪

稀默坐如無我閒行自息機大顛誠可語何惜重
畱衣

屏山會友

甘公亮

知府

天作名山控碧流衣冠幾此暢清游花知人意先
期發客慰鳥鳴幽谷求袖拂蘚苔分坐石水流煙
月共歸舟行藏一笑堪忘累肯何塵中挂片愁

碧波巖

劉夢詩

運使

首夏新晴有此遊山深嵐重忽疑秋盆魚得水欣
人聚谷鳥出林共友求坐眺煙雲生絕壁翻疑雪
雨在飛流此中樂意誰先得笑拈巖花插滿頭

永新縣志卷之八

十六

又

劉夢賢

學正

登高況得水相依移席盤林翠自圍泉帶山光流
暮遠洞含秋色引涼微捫蘿自歷青峯險倚杖高
吟黃葉飛塵土誰能生羽翰殘盃聊遣駐斜暉

牛山亭歌

尹奎

邑教人諭

酌我牛山酒贈君牛山歌牛山之亭窅疎豁何人
結構依巖阿上有危峯千尺之峻標下有奔溪百
折之流波峯盤溪繞路中阻但聞泉石清音珊鳴
珂山中之人冠嵯峨鶴氅不厭穿松蘿車蓋翩翩
颯茲集笙管吹落峯雲中天霞彩駐孤景笑持

美酒傾金螺駕鶴仙人應可召乘鸞
緌女疑相過
異草金光欣來致翠蕤雲旂紛蕩
摩坐取鐵笛爲
君弄赤烏飛上扶桑柯層巒曉色
仍相對溪聲互
答供吟哦我來尋君牛山裏牛山
雲向君前起裁
雲爲我衣推山作君几爲君倒盡
三千甕迴看諸
峯暮光紫

東華酌友

徐慶鍾 邑人

溪上峯迴一徑深溪邊楊柳帶松陰
美人卜築金星島落日放歌紫霞岑
綠蓑玄真元避世滄浪漁父更何心
客來壺挂長房舍共醉蘆花淺水潯

永新縣志卷之八

十七

陪陸給事觀龍門溪歌

壬辰下
歸作尹臺

高巖偃仄峽籠嵒雷源倒激山根動
中懸千尺怒噴之飛流迴光蕩日生
虹蜺偉哉此壯觀萬古靈雲端礪道
折盤石欹阻風吹練色千峯寒千峯
窈窕窈窕深入獨嶂舒豁遏幽絕樛
木蒙龍半壁陰屈枝仄偃雙崖黑憶
昔魯公文采遺揭嶂巨字交纍垂苔
斑不蝕鉤紐古雨溜或洗劖刻虧攫
蟠下撇夔魑走鬱律上撼風霆吼穹
梁危扇石脚塌神工鼻屨護持久伊
余慕跡景名賢攝衣欲往心翻然晝
思想像窺林樾夜夢髣髴行雲煙何
知茲晨陪

使蓋礪柯遍躡窮奇昧長嘯高歌宇宙閒古今豪
哲誰相待八百餘年魯公死乃今復有貞山子勁
節可聳後代瞻英風欲振昔賢起山川靈怪豈隱
淪地因人勝古所珍況今同游三四輩俶儻亦更
非常倫登高眺遠恣所越絲管啁啾逸興發但覺
飛揚絕後生安知磊落愧前達君不見永南山水
稱界圍有唐遷客多是非佻文醜附不自慙閱篇
殫侈徒光輝何如茲山之溪千古流潺湲魯陸聲
迹先後傳嗚呼二公聲迹焯天漢我獨胡爲塵土
湮

永新縣志卷之八

十八

譚貞烈祠

鼎移誰不污羶塵一婦臨危獨殞身生誓丹心甘
殉節死憑碧血與傳神八磚祠廟高天近千仞宮
墻曠日新今古烈名誰可並禾山岷嶺對嶙峋
痛哭中原百二州東南降幟更堪羞勤王八族兵
先殪死賊一門婦可畱伏臘貞魂長禮殿江山遺
恨漫旃裘天常未向中閨絕正氣吾邦昔所流

秋日偕諸友集梅田洞作

錦林遙簇碧雲稠石戶高開少昊秋偶共稷亭談
白馬貪依函谷駐青牛中天祕室仙人隱異代真

符使者求老幸歌游長此地不知塵世隔丹丘
題端威觀張道人宗洋南室

近市浮煙積背林寒日陰青山疑勸酒黃葉似招
吟千古濠梁意十年魏闕心還丹如可問吾欲此
投簪

喜洋道人修三清殿成詩以詠之

寶殿切叢霄清都眾象超丹輦紛跂拱紫鳳暗傳
簫列聖尊能致羣仙坐可招更看朝景絢疑有絳
霞飄

赴戍過馬頰同吳張二君作一董傳策侍郎

永新縣志卷之八 十九

客行九千里舟過十八灘山疑三峽險水似五溪
寒挂纜蒼松杪停橈白石湍路難何足問此地是
平安

題梅田洞石壁 翁溥 都御史

洞巖虛以深遊歷令心醉更欲探幽奇恐驚仙人
睡

題白雲洞 羅洪先 贊善

一片孤雲作洞扉晚風斜日駐征騑莫將洞裏雲
輕放畱伴他年卧薜衣

紫雲山赴洞山太史招集 彭庠 邑人

紫雲躡仙履俊賞招名流灑氣肅層漢涼飈薦高
秋昨雨今忽霽遙天蕩碧琉水空淨一色萬里凝
雙眸太史敦古誼曠懷泝殷周繾綣追夙好懽宴
諧清修把酒延飛景歎世興長謳颯颯松風起莽
莽水煙浮雖無戲馬侈而多落帽儔盃行君莫止
客醉我仍畱日斜各言別攜手還悠悠月色輝後
夜更期泛扁舟

紫雲山侍宴

尹覺民 庠生

九月九日秋氣清紫雲招客同盃罌谷轉峯回人
並往天空雲澹雁初鳴急風吹袂忽成冷積雨開

永新縣志卷之八

二十

幃訝放晴多病茂陵憐昨起杖藜入此欣平生

南華山同友

賀謹新 庠生

鳥道曲盤峻壁幽忻陪仙客一登游泉飛玉峽千
尋落日晃金輪五色浮洞口疎花明晚照松梢玄
鶴起高秋閒心未遂真源問興繞崑丘十二樓

南臺寺

盛榘 庠生

高岑臨絕澗曲徑透危橋地僻塵兼遠林深暑易
消慚非元亮隱欣有遠公招欲問真如意青天片
月遙

春日登興文閣懷洞老宗伯 有序

改校建閣其創構捐佐後先皆公力也今讀所
撰記知公加惠鄉之後學鞠志勤圖乃心實倦
倦焉余小子適邁斯際幸能相與落之而蒙其
成者多矣將來材賢輩興詎可忘所自耶覽眺
之餘述此勒寄

獻歲祥開曙靄分乘春吟眺俯氤氳丹霄自覺凌
摩近赤手誰先創構殷日月異時昭盛美斗牛遙
夜護雄文邦人解有奚斯頌何似麒麟自策勳
興文閣初成登之喜賦示諸生

永新縣志卷之八

二十一

高閣平臨接灝蒼當檐指顧見文芒晴開棟奐虹
流彩寒逼圖書斗爛光飛翠南來華嶂拱蔚藍東
繞秀川長諸生不乏干霄器行看儲材盡豫章

過東山寺訪洞老宗伯

投馬入招提林深磴道迷暫容安石卧可是道林
棲淨界超非想清言遠俗蹊已能忘去住那復厭
扳躋

九日同年劉質之暨甘劉周諸春元登武功
山

雲林寂歷隱巖扉句漏仙人去不歸松桂歲深饒

古色薜蘿秋冷供初衣千家山郭圍蒼靄九日簪
裾集翠微勝賞況逢桓幕客一尊那惜暫停騑

尹鳳湖參軍招遊南華山

遲君能選勝暇日結幽尋窈窕凌空翠透迤入暝
陰懸崖飛溜急絕壁過雲深自得冥搜趣悠然慰
遠襟

弔譚烈婦祠

忍死須臾事紅顏肯自移投崖堪比烈化碧詎稱
奇名共花磚在心將雪刃知精英遙起肅臣虜愧
男兒

永新縣志卷之八

二十二

遊梅田洞十四韻

崖壑鬱嵯峩雲霞吐晶耀奇哉仙靈窟旁睇入深
峭何年鑿鴻濛恍惚隔凡調下瀟神瀆縣孰測中
巖要瑤房結朱蕤丹鏞朗華照閃爍呈萬詭窈窕
出眾妙豁舒虎豹攫天矯龍蛇繞意者坯渾初抉
此玄冥竅琅函祕荒沕石枰隱模肖呀然虛白生
豐蔀豁軒眺忻茲人區間遐致侔壺嶠罔象超玄
倪天風振孤嘯遙思茹芝翁來往倏矣奧儻可躡
迂蹤悠然臂堪掉

次明府石巖龔侯登興文閣見懷之作

有序

興文閣之建公爲一邑開人文於有永意勤而
功且鉅矣僕雖時有造請不過煩頰舌仰贊乃
成耳茲辱貶示躬然若不自居者猥誦高作不
覺泚顏之甚敬次雅韻抒謝并示來者知功勤
之有自云

倚檻江山一眺分二儀清濁辨氤氳閣凌牛斗開

吳楚地表荆揚憶夏殷

陽邑介吳楚分壤而近邑衡

自夏殷記之矣

千古蠹芸傳舊簡諸生絃誦抱遺文莫言

魯盛專僖世萊伐還遺在泮勳

永新縣志卷之八

二十三

次登興文閣示諸生之作

西望祝融千里蒼東來雲氣引句芒當秋似逼諸
垣象入夜應迴列宿光揚子傳經心獨劇文翁化
俗意何長登樓知異仲宣興狂簡於今藉有章

東山寺辱石巖龔侯枉顧有作次謝二首

淨樹隱菩提雲深梵閣迷數花開佛供一鳥下禪
棲永結丘中好言尋象外蹊何期鳧舄降更共鷺
林躋

舊夢息閻提迴車眾聖迷老將青杖倚來寄碧山
棲敢以蓬蒿迹而窺桃李蹊給孤無險徑端不厭

攀躋

秋日聞石巖龔侯有南華之游病不及相從
因憶往陪貞山給事登憇之迹今忽忽四十
餘年矣悵焉有作

憶從遷客訪層阿閒共中林賦薜蘿絕壁幾盤開
錦繡飛瀧千尺倒銀河仙鳧月下追歡阻病鶴風
前感思多吳下兩賢茲寄迹南山秋色並嵯峨

禾易十詠

有序

王用仁

十詠者爲余友龔永新君作也君爲邑三載政
成余適過之齋居暇日卽所睹著兼采風謠爰

永新縣志卷之八

二十四

賦七言十絕句語故寂寥難紀盛美忻茲奇觀
意亦灑然因勒置齋壁閒用存故事云爾匪以
言乎詩也皆丁丑歲冬日

花滿禾易歲月深政成單父有鳴琴遺風未說元
郎詠異代還思宓子音

禾易非河而前令元絳
種桃之詠與潘岳事酷類

云故

渤海當年報政成漢廷傳說少卿名試看禾水閒
耕者何似潢池昔弄兵

東魯異時稱治郡西江此日頌專城承家節操君
能事行聽尙書舊履聲

君高祖尙書公
嘗守充著稱

山郭比聞多渡虎，縣庭應見集翔鸞。知君自許惟
冰玉，贏得風謠載道譱。直指張公薦疏中有冰清

顏其堂曰
冰玉云

晝永簾垂地，絕氛案頭書牘展。晴雲新篁影落疎，
櫺裏細嚼梅花對此君。

山齋寂寂儼精廬，據槁真成吏隱居。怪得城中鮭
菜賤，新成官舍有縣魚。

一徑通幽竹樹深，小庭華木助閒吟。試看物色含
生態，散入甘棠百里陰。

禾水遙連勝業流，漣漪清映使君舟。思君得似雙

永新縣志卷之八

二十五

流遠何用沉碑漢水頭

七十一峯環郭起，百千年代借君來。登高賸可誇
能事，若箇還兼漢賦才。

剡書天上久知名，遲我真慚緱蒯行。此去漢廷思
結鞶，風塵應念舊王生。

龔明府有登興文閣詩一律，懷創構之艱，著
作之盛也。洞老宗伯復次韻讓美焉。余小子
伏讀而心企之，僭爲嗣響，敬呈郢削。

一上丹梯眾象分，蒼然平楚正氤氳。烝民尙想清
風穆，函谷遙占紫氣殷。今代雄章光斗服，後來名

輩覩人文崢嶸傑構千春業況復旂常已勒勳
謁四相祠

四相祠堂入莽蒼
竭來誰爲起遺芳
名高翻借山川色
蹟在眞成邑里光
後代風猷前擬宋
一朝勳伐兩稱唐
雲臺麟閣皆塵土
何似穹碑歲月長

弔譚烈婦祠

節義久淪喪
疇能負剛腸
嗟嗟一女婦
而志皦雪霜
宗國痛傾覆
舉室蹂犬羊
彷徨抱孤雛
殉夫及姑嫜
花軀蹈白刃
殞此禮殿傍
愁陰蔽白日
慘結寒無光
以斯仁義途
迺作魑魅鄉
聖神扶皇極
天

永新縣志卷之八

二十六

心挽頽綱一死重
九鼎因之表彝常
血痕漬八磚火熾
影愈彰遂同萇宏
碧千載流其芳
覩彼丈夫者衣冠
自昂藏抗顏事醜
虜族類恣殪戕
貴富苟一朝歟
忽亦云亡偉哉烈
婦名視之誰短長
偶來謁英祠生氣
儼赫煌睹茲良歎
息無能酌椒漿揮
毫弔古昔爲續彤
管章

遊梅田洞漫成二絕句

甘雨庶吉士

石髓涔淫曲竇斜
瑤房日月祕谿笏
仙人一去殘碁在
消盡塵閒幾歲華

踏徧層雲訪紫芝
卻於人境見靈奇
悠然我欲冥

搜去裾滿青霞溼不知

九日讌集武功山次龔明府韻

窈窕仙林轉石扉登臨此日憺忘歸當筵詎可無
黃菊送酒何妨有白衣秋老蒹葭傳淅瀝晚晴雲
物動依微佳辰茂宰招幽賞好記山中共駐騑